

五邊典則

顧廷龍署



五邊典則

卷之四

五邊典則卷之二十

信安徐日久子卿父集

勾餘施邦曜爾

閩漳張熒紹和父

天順四年二月廣西巡撫都御史白圭奏廣
西僮賊流劫永州攻破桃川枇杷二千戶所
永明江華二縣治議調武昌等衛官軍委都
指揮陳景統率往捕及行左叅將都督李震
量撥靖州官軍協力勦殺請治守備官員失
機之罪從之

三月協贊廣西軍務監察御史吳禎奏臣奉
勅勦捕田州府反賊呂趙選調官軍土兵分水
陸路進攻破功饒焚鳳二關直擣府城呂趙
携妻子挾知州岑鐸等宵遁官軍追至雲南
富州奪回鐸等擒其子若壻斬首四十九級
賊衆悉降趙以數騎走鎮安府追及之斬趙
及其子四人從賊十八人獲其妻孥及僞太
平王木印無敵將軍銅印龍鳳旂盔甲等物
復委知府岑鏞仍掌府事撫安人民田州以

平

上遣勅獎諭

九月兵部奏今年五月至七月廣西桂林等府興安等縣累次申報賊情七十起殺擄男婦七百九十餘口搶去馬牛等畜二百六十餘頭燒毀官民房二百五十餘間及查廣西地方自天順元年至今未及三年累報賊情不下四百餘起劫擄人口頭畜三萬五千有餘所屬軍衛有司被賊殘破殆徧其鎮守總

兵等官過興等袖手坐觀畧無禦備之策苟
且因循玩愒歲月既不躬行勦捕又不馳報
積至百十餘起方行類奏以致緩不及事原
其情罪俱合寃治緣今地方不寧缺人管理
乞行巡撫兩廣都御史葉盛會同過興等計
議區畫仍督同監察御史查寃領軍哨守失
機官員具實奏聞以憑區處從之

十二月鎮守廣西少監朱詳奏十一月二十
四夜蠻賊攻破藤縣北門入城哨守官軍指

揮張能等開南門而逃賊遂縱火焚毀官民
廨舍公私財物子女刼掠無遺事下兵部請
令鎮守總兵等官嚴督官軍捕賊及巡按御
史執能等究治如律從之

五年正月廣西總兵都督過興奏臣統官軍
土兵征勦慶遠清潭等峒賊首韋召海等斬
首六百十二級復所掠男婦一百五十口又
移師往古河毛峒蠻賊斬首一百三十級

三月貴州叅將劉玉奏臣率官軍進勦西堡

夷賊兵至阿果擒賊首楚得斬從賊三十九人降呂墨等寨又攻楚田羅惟及阿又等寨擒賊二十四人斬首一百九十餘級餘賊復據白石崖遂分兵三路併進破之斬首七百餘級悉焚巢寨全師而還

湖貴總兵都督僉事李震奏臣等率兵攻勦城步一路徭獍山路險狹分兵四進破橫水城溪寨擒賊三十九人斬首五百餘級進攻莫宜中平等寨賊據險拒敵我軍奮擊攻敗

之擒首從賊首人斬首六百五十級遂長驅
至廣西西延會總兵過興官軍夾攻十八團
山家等處徭寨盡克之擒獲斬首幾千人
六年正月兩廣總兵都督僉事顏彪秦臣等
督率官軍進勦潯州大藤峽等處徭賊攻破
七百二十一寨斬首三千二百一十七級復
所掠男婦五百餘口五月七月顏彪屢報擒
斬數至多且語更誇張而湖廣總兵李震又
報斬首二千五百餘何當事者不一察也

十月廣東潮州府知府李永寧奏所屬揭陽
縣夏領等村沿海邊民作耗本年四月初五
日殺死潮州衛指揮劉琛本府通判劉恭等
官勢益猖獗民不聊生推原所自蓋前任知
府周宣縱放已獲賊首李斌又容賊黨蕭宗
榮等在左右聽其教誘雖屢至賊巢以招安
爲名而賊徒劫掠如故及調集官軍勦捕宗
榮等泄我軍機以致不能成功臣本書生不
諳武事况動輒掣肘乞罷歸田里別選才幹

若成授以專城之寄俾得便宜行事仍乞追
寃宗榮等通賊情由明正其罪則不勞調軍
而賊自弭矣事下兵部尚書馬昂請行總兵
顏彪巡撫都御史葉盛計議區畫從之

七年七月陞顏彪爲都督同知都督同知和
勇爲右都督其餘官旗人等九千餘名陞賞
有差先是彪等受命勦兩廣賊圍大藤峽久
無功聞僉都御史吳禎在武甯縣殺降報至
遂亦殺降附諸蠻及民之供給者僉都御史

葉盛叅贊處軍務爲草奏報捷故有是命

十月兵部奏先是鎮守廣西等官恭寧侯陳
涇僉都御史吳鎮等言徭賊戰殺之餘已招
撫陸續復業又分調官軍鎮守要害以扼其
出入之路今兩廣地方稍寧夷人各安生業
曾不兩月涇等又奏賊徒千萬成群劫掠州
縣鄉村原其所由蓋是涇等聞知本部奏調
官軍往會廣東勦賊故詭奏賊勢猖獗意在
擁兵自安以此沮壞軍務論法俱合究治但

今急切用人之際宜姑記涇等之罪俾其洗
心滌慮改過革非如遇廣東移文調兵卽便
馳赴毋誤軍機從之

成化初正月廣西都指揮邢斌等奏天順七
年十一月柳慶蠻賊覘我大軍俱會梧州乘
虛擁衆攻劫上林縣村社四十餘處殺虜男
婦五百餘人馬牛財畜無算今桂林平樂等
府荔浦富川等縣賊巢徧地民不聊生雖有
哨守分捕等官兵少猝難應禦事下兵部移

文總兵恭寧侯陳涇等嚴督所在官軍固守
城池仍選將調兵征勦若廣東賊已誅滅速
旋師廣西捕賊安民從之

二月巡撫湖廣都御史王儉奏先是苗賊占
據赤谿瀟洞長官司天順七年十月湖廣總
兵官李震貴州副總兵李安率兵分道進討
十一月至赤谿瀟洞長官司治所合兵攻之
賊退守平坤寨敗之追至清水江擒斬賊首
飛天侯苗老底額等六百四十餘名顆破其

寨二百餘處賊徒走死已復長官司治地方
寧安

上下其事於所司命計議之

七月安南國寧遠州頭目刺孟刺美率黑脚
白夷寇掠雲南臨安府梅羅等村知府周瑛
匿其事不報既而安南以男婦阿寨等八十
餘人來歸瑛復掩過邀功總兵都督同知沐
璘等以聞都察院請行巡按御史逮問從之
寧遠州本中國地

國初屬雲南布政司宣德初黎利叛

朝廷予之故地乃併寧遠州及廣西太平府之
祿州爲所占當時有司失於檢察今遂陷於
夷

元年正月巡撫兩廣都御史吳楨奏廣西泗
城州土官岑豹聚衆四萬攻劫上林長官司
旣又殺土官岑志威滅其族劫其印占據其
境土雖經兵部移文累令撫治豹恃頑不服
事下兵部言豹強橫如此不早爲所悉貽邊

忠宜行楨等可撫則撫否則調兵擒捕明正
典刑從之

三月國子監學錄黃明善言叙州山都掌蠻
賊屢爲邊患而今日平之有三策其一竄從
隣境以離其黨欲將都掌蠻民分竄烏撒等
四府仍

勅各府土官督令遷徙安置撫恤有不從者許
土官勦殺之則兵不血刃而境土自安矣其
二分屬漢夷以別其類都掌地與永寧芒部